




Poex: 1246




2530


1869 11. 387











Frid. Zamell

OLEÆ PRÆCONIUM

Sive

Pacis assertio.

Prælo Bodenhauſiano

anno M. DC. XXXV.

Sexviris pacis inter Serenissimos Sveciæ Poloniaeq;
Reges sancientiæ à Svecorum parte eminentissimis :

Illustrissimo Dn.

PETRO BRAHE,

*Comiti in Visingsborg, Lib. B. in Ridboholm &
Lindholm, Iudici Provinciali Vestmaniae, Montanorum
& Dalie.*

Illustri Dn.

HERMANNO VRANGEL,

*Hereditario in Ablo & ScogCloster, Eq. Aurato, Marefchallo Cam-
pi, & Generali per Borussia Gubernatori.*

Illustri Dn.

STENONI BIELKE,

*Lib B. in Krakerum, Legato Ordinario ad Aulam Pomeranicam, &
militaris status ibidem Generali Gubernatori*

Illustri Dn.

ACHATIO AXELII,

*Hereditario in Goxholm & Rinckestad, supremi Dicasterii Regii
Stocholmi Adfessori, & Iudici Provinciali Nericia.*

Regni Svecici Senatoribus Excellentissimis,

Illustri Dn.

IOHANNI OXENSTIERNA,

*Lib. B. in Kimicho, Domino in Fiholm & Tydoen, Consiliario
S. Reg. Majest. secretiori.*

Generoso & Magnifico Dn.

IOANNI NICODEMO AB AHAVSEN,

*Sacr. Reg. Majest. Secretario, & per Borussia Ordinario
Commissario.*

Rem

REm constitutum itis, Sexviri eminentissimi,
& lingvis omnium & nullis non literarum
monumentis celebratam ad posteros. Pax
ea est: bonum, quo generi humano nec amplius
quicquam dari potest, nec jucundius. Cujus
consilia quidem in Vobis, at non tam prompta penes
vos præstatio. Si amicos nobis eos effeceritis, qui
hostes fuere hætenus, erit nobis exinde illud per
vos à solo Numine. Quod vel nostrâ causâ quàm
optetis, ut indicio animi vestri explorata est æqui-
tas, ita illius numeri quo coiistis occulta arguit ra-
tio. Cùm enim nisi armatâ manu pacem deco-
rè offerre non possitis; nec eo numero fas esset, qui
etsi quietis sit non inhonestæ symbolum, desidiæ
tamen argumento ferocium populorum supercilio
succumbit; placuit is latè reginæ genti, qui non
tam proxime minor, quàm cæteris suo mysterio
augustior: In iis, quos cū summæ fortitudinis laude
rarum mansuetudinis decus conjunxisse inter edita
sæpe virtutum specimina liquidò perspexerat. Ar-
matâ, dixi, manu: quòd qui de pace unâ contendit,
bellum humiliter deprecari intelligitur. At pacem
vix concipit, qui vincere potest: non orat, qui de
pluribus palmas retulit. Verùm ut tamti nobis
boni autores Vos esse divina velit clementia, cùm
omnis ad illam conversa Mentem Borussia suppli-
cat,

cat, tum hæc inprimis Musæ. Quæ ut in otio nata sunt, ita illius usurâ gaudent plusculâ; quod & Vos & Res populi vestri, quas etiam invitantibus magnis diis inter nullas tamen servilis obsequii sordes hæcenus colui, Virtute & Famâ præeuntibus verâ in pace macltare possint sanctius. Postquam enim sub vestri me Regni fasces redegit Patriæ fatum; animi datâ fide isti Regno obnoxii nec adfectum alium esse oportere duxi, quam qui sic integer esset; si, quâ poterâ, commodum me præberem iis, quorum manus Patriæ civiumq; salutem nunc adserunt. Credite, Sexviri eminentissimi: amore vestrum ambiunt hæc puellæ: verecundantes id profitentur penes me: apud Vos ego pro tenerrimis osculis eloquor, candoremq; spondeo, ex Patriæ quiete collati in meq; illasq; beneficii futurus numquam immemor. Valete, ac favete. Dabam Elbingæ anno ultimi temporis M. DC. XXXV. ipsis Calendis Ianuarii.

Vest. E.

devotissimus

Fridericus Zamelius.

Iam

Iam per Hyperboreum mentes suspenderat Orbem
 Spesq; acerq; metus, totidem labentibus annis,
 Quot belli posuere minas, cum Marte diremto
 Armorum durant caussæ, delubraq; Iani
 Clauduntur Regum non omni lite sepultâ:
 Quotq; Gothum Lechiq; genus sub pace sequestrâ
 Dimisere domos, rusq; exercere paternum
 Iussere, atq; iterum cogi sub aratra iuvencos.
 Quamvis interea sumtum nec Sarmata ferrum
 Poneret, & Sueonum populis nova crimina belli
 Oppositis sereret Romana potentia castris.
 Ille gravis Moscho Scythicis remeabat ab oris
 Victor, & Ismarias, certo discrimine rerum
 Cum starent acies, iungebat federe gentes.
 Et genus Arctoum late domitricibus armis.
 Ausonias vexabat opes, utriusq; peritum
 Viribus Hesperia, nec tantæ incumbere molî
 Aut veros dubium sibi despondere triumphos.
 Iam ne Threicii Martem securâ furoris
 Sarmatia optaret; neu leges sperneret aquas
GVSTAVI domus alma caput præcingere lauris
 Docta, nec externos admittere finibus hostes,
 Sed regnis quassisse suis, rursusq; Boréo
 Sub calo positus vicinum invaderet Orbem;
 Danarum Præses rerum, cognataq; Cimbri
 Pectora cum Belgis Ararimq; bibente timebant.
 Id veritæ gentes, Morini quas lictoris actâ
 Avulsos tenui Nereus interfluit æstu,
 Sceptra tor & populos, lætæ quæ pacis habebant,
 Secum ad puncta trahunt. Tot Te, Regina Gothorum,
 Et Reges adeunt & proxima Regibus ora
 Sollicitant, ut quas terrâ Boreetide natas

*Silvestres inter laurus succrescere cælo
 Miratus Pater es Oleas, cum nata fuisses,
 Eterno coleres jucunda munere pacis.
 Hi Vates repetunt, ac quæ responsa dedissent
 De seclis, Christina, Tuis; pinusq; loquentis
 Inducunt, quales lacrumâ fulgentis eletri
 Tunc manasse ferunt: quæ sine aut commoda Regni
 Aut populi sub pace docent; quid rura coronet,
 Hæcq; colentis opus; quid Regni fulcra Senatum
 Firmet, & extractas in majus provehat urbes,
 Aut cumulet civile Bonum. Tu, diva, potenti
 Assensa es nutu: nec, si Tibi militet acer
 Finnis, & à Patriis Tibi sit magis utilis armis
 Bellorumq; morâ, immensoq; Corelia tractu
 Terrarum Geticæ sceptris accesserit Arcti,
 Pars quoq; Teutonice Te maximagentis adoret
 Vindictis asserta Patris; vis prima subibat,
 Aut duri Mavortis amor, galeaq; reposte
 Majorum longo ex ævo, gladiiq; corusci,
 Ac tonitru horrendo multis lethale metallum.
 Viderunt placidos in Virginis indice vultu
 Et motus & vota animi componere mundo
 Iussa suos fasces arcani conscia Regum
 Pectora. Nec procures, quorum Septemtrio ductu
 Urget adhuc populum, cujus Capitolia pridem
 Succubuerè Gothis, detractaq; mollibus Afris
 Nunc spolia Arctoe mittunt ad tecta Puella,
 Causam immortalem belli dirumq; probare
 Dissidium; ac si non hac palmâ Sarmata fisis,
 Barbara quam dederit muris manus apta tuendis,
 Aptâ minus campo, pacem non abnuat equam
 Indecore my Gothos; jam non prætere ferrum*

*Fasq̃ in Marte situm, sed amicas jungere dextras.
Continuò missi non sufficiente Senatu,
Scandiacâ quem Drusus habet de gente supremum
Militiæ jurisq̃ Gothi, qui fœdera pangant.
Venit ad accensas Geticis regionibus urbes,
Baltica quas Teuthys Austrinis abluic undas,
Fama rei tamtâ, vulgi jam murmure pronam
Iam dubiam de pace fidem, armatumq̃ Polonum,
Aut Boreæ admiscens laurus & majus oliuâ
Pacatâ Mavortis opus domitoribus Orbis.
Excelsâ virtute viros Aquilone profectos
Littoribus nostris se condere Drusula primum
Et cives vidère mei. Salvete Borussæ
Provida corda Rei, patriæ tutela Zamelli.
Tuq̃ prior, Tu Petre Comes, quem gentis origo
Altior, & propriæ clarant decora ardua famæ,
Quoq̃ Brahmæa domus multum lætatur alumno.
Salve Acco Axelide magnorumq̃ sanguis avorum,
Post Gothicum Alciden, consors quem Neuria cœlo
Edidit Arctoo Vrangellum stemmate cretum,
Atq̃ Bielkiaden, Stenonis qui nomina præfert,
Insigni merito divos auctore Gothorum:
Deinde Oxenstirni Iannes stirps æmula Patri.
Cujus ad oppositum venère Trionibus axem
De populo externo merita præconia laudis.
At Tu, si ve procul teris arva Sedinidos ora,
Seu nostras, Boreæ decus ô prædulce Bielki,
Te villas inter via regia ducit ad urbem,
Sopes ades. Iam Te Herminius desiderat unum
Vrangelius terræ Præsès, sociusq̃ laborum
Ianus Nicodamas, quem dîs majoribus addit
Nomen Ahausenum, mens nata fovère Poetas,*

Et

*Et non fucata sibi præmia poscere fame,
Noster amor, referens solâ virtute quod audit
Carminibus nostris. Hic Tecum nuper adibat
Sarmatiæ Proceres studia in contraria raptos
Morte Sigismundi cuius meritißimus heres
Sceptra gerit. Quod si reddent hæc munia pacem
(Quam præstent utinam!) sanciti fœderis autor
Sextus erit columen Studiorum Insigne Meorum.
In Vos respiciunt, vestris in vulubus hærent
Census, & effusum portarum in limina vulgus.
Iamq; notant aliquid prænunciaq; omina captant
Exiles animæ de caligantibus astris,
Seu facie ex vestrà, qualem vidêre serenam:
Iamq; omnes in vota abeunt, ac templa Tonantis,
Huncq; ipsum, curæ cui sors humana, requirunt.*

*Ibitis: augustæ vobis de gente Polonâ
Occurrent mentes mediâ regione viarum,
Non dulcem exosa posita inter bella quietem:
Quos inter Radivilus apex Litoidos ore
Proximiorq; polo, quod plus mansveta professus
Se cum Rege sequi, cuius mandata recepit.
Ponite funesto partas discrimine laurus,
Nec palmæ numerate decus, sed Palladis almæ
Frunde sacrâ, & placido circumdate tempora fructu:
Ac, si quâ poterit, Paphias innectite myrtos:
Amplexusq; juvent, mollesq; alterna lacerti
Colla, nec in pacis desint sua pignora causâ.
Pace nihil melius, pacis sunt dona beati
Res populi, & Regum vis inconcussa duorum.
Pace vigent leges & jura tuentia rectum
Pace feros ritus parvæ Pompilius urbis
Mutavit, veniãq; suis reverentia sacris.*

Quid

Quid Curium posthac vidit niveisq; Camillos
Roma triumphantes; si post ferus Hannibal omnem
Terruit Italiam, rubuitq; à cirve perempto
Aufidus, ac domina posuit fastigia gentis
Infusus Boreas & fundamenta revellit;
Naturæ leges pacis sub lege tenentur.
Nutaret tellus, hûc si pugnaverit æther,
Et rerum immensum discordia solveret Orbem.
Marte fatigatos, quo se fregère Pelasgi,
Æmoniaë populos Oenotria Roma subegit.
Staret Cadmeis, starent Pandionis arces,
Defensiq; Lares Spartani pectore civis,
Nî per cognatas periisset Gracia dextras.
Trinacriam coluere diu, Siculosq; Penates
Larga parens frugum non dedignata feraces
Reddidit Ausonius abruptos finibus agros.
Insula sorte sua felix atq; ubere glebæ
Distractas odiis Pœnos admisit in urbes,
Hinc Latium, inde Arabas, Normannorumq; cohortes,
Celtamq; & tumidos numquam sibi reddita Iberos.
Pellæi post fata ducis, feraliaq; arma
Et fas calcatum, quid Persam in sceptrâ remisit,
Aut domitas Orientis opes? rediêre prioris
Ad domini obsequium partæ per vulnera gentes,
Dum Syria Ægyptum, Syriamq; Europa cruentat.
Res sit inexhausti (quis enim neget esse!) laboris;
Cui saepe incumbat gravis alea, sitq; profani
Non expers odii, belli componere motus,
Primaq; discordes in fœdera mittere Reges:
At virtutis opus, quo se mortalia corda
Ætheria luci plus concepissee fatentur,
Dum tribuunt populis, quo nil divina potestas

*Sanctius afflictis posset concederet erris.
 Æquora vicistis hæc assultantibus undis,
 Et nimis hibernis infestos Solibus Austros,
 Dum menses abeunt, veterem quibus egimus annum.
 Vos salvi redeunte novo date gentibus Orbis,
 Quod privata domus per vota precatur amicis.
 Ite viri, & Regum monitu succurrite nostris
 Rebus, & à gemino cædes advertite mundo:
 Ac sua fatali decurrant stamina penso
 Non ullâ violata manu funesta gerentis
 Bella, sed ad patrios referantur corpora manes
 Ærumnis defuncta suis, & fine laborum.
 Ecce deum vestros præcedunt agmina currus,
 Parsq; deum sequitur: qui si requieverit horror
 Martis, & à duris Arctos cessaverit armis
 Sarmaticæq; manus, spondent sua præmia terris.
 Hos inter latas agrorum spicea mater,
 Si pacem dederitis, opes ostentat & amplo
 Promittit gremio; mensas Pomona secundas,
 Flora rosas, gratumq; albentia lilia, calthamq;
 Et gemitus Hyacinthe Tuos, qualesq; corollas
 Virgo patrima gerit, cui mater cara superstes;
 Pan ovium fœtus; nec Fauni Pana securi
 Cum Satyris Dryadesq; tacent aut ruris honorem,
 Aut nemora hostili non interrupta bipenni.
 Quæq; per obstantes cuneos flectuntur habena
 Spectantis populi, patriæ rogat incola terræ,
 Afferat ut vestri manus ultima muneris actus.
 Hos udo pater Oceanus de littore cœtus
 Prosequitur vultu, quo summa per æquora fertur,
 Cum sternunt lenes Zephyri mare: turbaq; circum
 Nereidum lautæ ruit ad spectacula pompæ,*

Æquo-

Æquoreasq; extollit opes, & monstrat ab alto.

*Ite viri, & quali præcurrunt Numina vultu
Ponèq; succedunt, stratoq; in marmore qualem
Tota domus Phorci gestat, viridesq; Napæ
Ante deos alios, pinuq; innexa capillos
Panum turba frequens, tali de Drusidos arvis
Ad medias properate vias, quò Sarmata divûm
Non asper monitis animo descendit eodem.
Sufficit in vestros Germania capta triumphos,
Ac ducibus concessa suis; fusiq; Latini,
Hispanæq; acies patrio sub sidere lectæ,
Aut procul extremis exciæ Iapygis agris.
Quid consanguinei committant prælia Reges,
Inq; sua infestum distringant viscera ferrum,
Cui melius Scythæ succumbat, quiq; accolit Hebrum?
Dum secum me turba trahit fremitusq; faventum;
Adspicio latis tentoria surgere campis,
Pro foribus ternæ facièq; habitumq; puellæ,
Qui Charitum est nexis in mutua vincula palmis:
Quo fratrum durant non rupto fœdere mentes.
Illa dabunt sedem tantarum munia rerum
Aggressis animis, paci sua vota daturis.
Ethere sincero Sol senitidissimus effert,
Et Procerum latis conniunt sidera cæptis.*

Ad Illustriss: Dn. Petrum Brahe, Com. &c.

Q*ui præstas atavos excelsâ mente Brabæos,
Petre Comes, pridem quem coluere Gothi,
Quem nunc disjuncto miratur in Orbe Borussus,
Præsidiumq; suæ dulce salutis habet:
Si placide missus tractare negotia pacis
Patratus pater hæc munia primus adis;*

*Da, quod sollicitæ poscunt Te pectora gentis,
Nosq; Tuo liceat manere pace frui.
Si dederis, illò major Te gloria tollet,
Quò dare res major 3 spes aluisse minor.*

Ad Illustr. Dn. Herm. Vrangeli Hær. in Ahlo &c.

Vrangeli, Heroum cui secula longa priorum
*Invideant, altæ rara propago domus;
Sic satis, Herculeis impleffe laboribus Orbem,
Et vario excelsum Marte parasse decus.
Quàm nunc appares positis formosior armis!
Quamtus honor sumtæ pacis amore togæ!*

Ad Illustr. Dn. Stenonem Bielke L. B. &c.

Magne Bielkiade, cujus prudentia major
*Terrarum potuit consociare deos,
Maeste Tuâ virtute, Gorhi sors tertia cæli
Iussa sacrum latæ condere pacis opus.
Iunge manum populo, cujus pro Rege locutus
Egregia parti consona puncta dabas.*

Ad Illustr. Dn. Achat: Axelii, Hær. in Göxh. &c.

ATTu gentis amor, patria quæ fascibus Arcti
*Promotis Latium sub pede culmen habet,
Cor natum in bellis, & Martia bella secutum,
Qui solidum à fido nomen Achate geris;
Hac facie nostræ spondes æquissima genti,
Fortis & immotæ cûi nota mentis inest.*

Ad Illustr. Dn. Iohannem Oxenstierna L. B. &c.

ERgo, lane, redis? & portas Drusidos intras?
Remq; Borusiacæ pro Patre gentis ages?

*Ipse puta, quid Te reducem petat incola terræ;
Et, quos non nescis Te coluisse, Lares.
Est aliquid, quo nos redeuntis donet amici
Dextera Da nobis, quod dare missus ades.*

Ad Generos. & Magnif. Dn. Io: N. ab Ahausen &c.

T*V quoq; Nicodama, Gothorum stella Trionum,
Cujus amant rectam sceptræ Boræa fidem;
In quo illud colui, quod tractant carmina Vatum,
Materiam veræ qualia laudis habent:
Impartire meis, me Vate rogante, Borussis
Otia, de studiis plus meretur a meis.*

Ad eundem.

C*orda quibus gratæ celebravimus arbitra pacis,
Versiculos pono limine, lane, Tuo.
A Te sunt primæ iusti mihi carminis auræ.
Quid taceam? sumtu stat mea fama Tuo.
Dic Patriæ Patribus, si fortè probabimur illis,
Me majus Gothicæ volvere laudis opus.
Dic illis, quàm sint nobis hæc otia curæ:
Vt requies animi sola sit illa mei.
Vt spernant in me pronæ sor descere mentes
Hoc totum, cælo corda quod orta probant.*

Ad Sveciæ populos.

S*ve, Gothum nomen, nutricem pacis olivam:
Et circa frontem Palladis arbor eat.
Sublatis armis pax nota sit una sub Arcto:
Exulet & Geticus Mars procul Orbe suo.
Gestant augusti Proceres, quos Sarmata mittit,
Fæcundas oleas. Omina pacis habes.*

Frid. Zamell
GRATVLATIO

de reditu in Borussiam

Magnifici & Nobilissimi Viri DN.

IOANNIS NICODEMI
AB AHAVSEN,

Amplissimoq; munere

COMMISSARII PER BORVS,
SIAM REGII ORDINARII

ob virtutem, fidem, industriam
decreto,

versu epico celebrata

anno sal. n. M. DC. XXXII. d. V. Id. Sep.

Nlcodamas, Muse, magnum & memorabile nomen
Gentis Hyperboreæ, nuper mihi notior uni
Drusianos ex populo, cum me legiset eodem
Fœdere, quo meritos fuerat complexus amicos,
Post geminas animas, rerum quibus annuit Orbis
Arbitrium fascesq; sui pietate tuendos,
Nunc columen fautorq; meus, cum Præsede terræ
Vrangelio nostræ magni manus altera Regis
Sospes. ades. Dum carpo viam, vultusq; tueri
Iucundos a veo, dilectisq; oscula palmis
Figere, dumq; meum mihi vendico solus amicum;
Ecce viri, cuius Gothicis in rebus agendis
Iam studium transgressa suæ sollertia famæ,

Iam

Iam curis apti jam digni hos ferre labores,
Mole quot ingenti parit ex se tota Borussia,
Venit in amplexus nostri pars magna Senatûs
Plebsq; secuta Patres. Nam qua privata putaram
Stare suo fulcro, nec cum consorte placebant,
Fœdera cum Patriæ causâ confuderat ardor
Gratantis populi: cujus Tu vota probabas.
Non doleo meruisse novos Te gentis amores,
Candide Ahauseni, cujus mihi sidera nato
Illuxêre recens, mihi quam cognatio caram
Et propior fecit sanguis; meruisse favorem
Tot quoq; corda Tuum: lator, quod munere tanto
Arduus ingentis cœpti molimina tractas
Redditus his oris: quorum sub Rege tyrannis
Improba decumuit Romæ sacra falsa tuentis,
Et semper lætæ Procerum civilibus armis
Teutonicæ cœli. Seu nunc Tibi gratia cordi
Prisca fidesq; prior; nostri Tibi copia præsens,
Materiesq; mei satis oportuna iuvandi est:
Sive Tuos populo sudores dividis omni,
Non exclusus ero; Patriæ sed commoda consors
Participabo meæ: quicquid signaveris acri
Iudicii puncto, quicquid suffuderit æstus
Officii seriesq; tui; nec iudice sensu
Curarum in fluctu veteri sudabis amico.

Frangite si quid habent lentæ mea pectora cura,
Formosum Phœbi Numen, Tuq; alma Sororum
Turba novem: jamq; ecce meam lux altera mentem
Corripit, & tacitas pertinet lumine fibras:
Quo Divûm manstrante domos portamq; tæroris
Accepsi; pariterq; Deûm Famaq; receptus
Limine securus gelidos despecto Triones;

Tum

Tum flectens aciem Regum in iustissima bella
 Heroum vulgo reparandam sanguine pacem.
 Nunc quoq; dum notas videor transcendere terras
 Barbariemq; loci, Geticis qui proximus oris,
 Iam rupes superare Tuas, Cyrrhaq; silentis,
 Phœbe pater, silvas, vocetq; audire Dearum;
 Sub pedibus cerno, quàm non sua gaudia conslent
 Degeneri turbæ veriꝑ ignara voluptas.
 Infirma valeatis opes & si quid inanes
 Majus habent animi: non hac in parte locabam;
 Præsidium generisq; mei famaq; futura.
 Sors vaga, quæ dederat, vires exploret in illis
 Ludibrio populi semper metuentis acervo.
 His niti mihi dulce bonis, quæ mentibus hausta
 Virtute & Superis cognato robore durant.
 Non mihi, Pierides, deerunt in carmina vires:
 Quas seu vos dabitis, seu qui mihi Numina Divûm
 Conciliat domiti Rectoribus additus Orbis.
 Huc ades, ô Gorbicum genus & sociata potestas
 DI: quorum auspiciis, patriæ fas adseris Arcti
 Adversus populum requiem & Gotha pacta perosum
 Ostense pacis, cuiq; arma ferocia cordi;
 Propitiusq; fave: Tu dignam suggere primis
 Materiem cœptis: da mittam vela per altum,
 Ingenioq; ferar: cui cura novissima fama.
 Certa satis pandes mihi Tu: quem Numina mundi
 Inferioris amant, series cui cognita rerum.
 Scymphalides rediistis aves, Lernæaq; scælis
 Herculeo ferro cervicibus hydra revixit:
 Pluraq; restabat venturis monstra diebus
 GUSTAVI frenanda manu: restabat & ævo
 Argumentum ingens: ne chartis omnia Vates

Traderet Ausonius, quem Mincius Andide Nympha
Progeniit, totusq; chorus, cui frontis honorem
Laurus obumbrabat scævi sub fata Neronis;
Alcidasq; suos dubiis agnosceret annis
Æmula posteritas, Vatumq; innoxia virtus.
Quanta mei de Rege suo fiducia secli,
Quam penè edomitum deplorat Cerberon Orcus,
Vlcor adhuc loquitur scelerum qui fulminat ensis
Romanam aduersus gentem: cui concidit omne
Robur, & infamis Gallorum turba remansit,
Idææ Cybeles solis aptissima sacris.

Salve, Nicodama, ter jo venerabile pectus
Tot populis, Gorbici quot Numina Regis adorant,
Ter carum sanctumq; mihi: cui dulce potiri
Parte sui. Tu mente puta (nec carmine disces
Illud ab exiguo) quanto discrimine rerum
Pignoribus fidei distet præsentior usus.
Non ita, cum diuûm genitor sua fulmina ponit,
Hocq; petit vultu, terris quo nubila pellit,
Æthiopum mensas, inter convivia gaudet
Fusca cohors magnifaciem spectare Tonantis;
Vt reducis mihi, lane, Tui frontemq; tueri
Pascereq; hos oculos gratum: quos sæpe jubebas
In spes ire novas vel pectoris indice vultu.
Non magis Alcyone, licet irrita vota dedisset
Numinibus Ponti, nec Tu Regina deorum
Respiceres miseram, raptum Ceyca petebat,
De solo Ceyce loquens solumq; requirens.
Vix ita, Nicodama, satius cum flectet ademtam
Quæsitamq; diu, nata letata recepta
Alma Ceres reditu, quam vis non forte priori,
Filia nupta Deo, cû parent infera mundi,

*Et formidati Lémures simulacraq; noctis,
Spernere jam thalamos penitusq; exesse mariti
Non poterat regnis fat ali à seminis esu.
Divisi menses inter generumq; potentem
Tædiferamq; deam : mansit sex mensibus anni
Sollicita cum matre, viro sex mensibus hæsit.
Forsit an & Regum victor, cui proxima cælo
Sceptra dedit pietas, nostræ Te reddidit urbi
Et Laribus notis, postquam bis tertia fulsit
Plenior exorients subjectis Cynthia terris,
Conditione par; si Te majora reposcant
Arbitria & rerum moles, quam Regia corda
In meritas animas solumq; excelsa secutas
Munia distribuunt, socioq; subire lacerto
Et sufferre jubent; nostris excitus ab oris
Limen ut Augustum repetas, patriæq; Dynastis
Permissus sedeas. Fortuna si qua futura est
Scena Tuæ major, si quæ Te facta manebunt
Hoc decus excessura Tuum; sis Drusidos urbis
Et populi indigenæ seros tutela per annos:
Cumq; pias Superûm sedes & Olympia liber
Regna petes nexu, quo massa fatigat anilis
Ætherios sensus; nostræ sis indiges ora.*

*Serva animum & mores, ac quâ Te dote probasti
Magnanimo Regi Mentiq; à Rege secunda,
Hac patriam gentemq; meam causamq; bonorum
Assere. Sunt Superi: qui, dum mortalia cernunt,
Iam vitio posuere modum, jam præmia recto
Constituere: movet Vatum præcordia veri
Æternus tenor, & diæ vis conscia mentis.
Nil humile abjectumq; vehit sincera Poesis,
Crimen iners odit, scelera atq; corda flagellas.*

*Ne laurus ne sperne Tui, vir magne, Zameil:
Cujus ab ingenio repetent Tua gesta nepotes.*

De eodem è Germ. reverso.

Rumor Ahausenum Gallis donaverat anceps;
Teutones optarant derinuisse virum.
*Id pax cum Gallo letæq; negotia pacis,
Hoc res Teutoniæ poscere visa Ducum est.
Ire Borusiacas jubeo, Rex dixit, in oras.
Hæc tellus miseris porta salutis erat.*

Eidem cum Illust. Dn. St. Bielke ad Proceres Senat-
tumq; Regni Poloniæ Legationem obeunti.

IANE, Tuas ultro celerant sua tempora laudes:
Iamq; recens minor est munere fama Tuo.
*Nempe tuam Spartam sollerteis esse Borussos,
Hæsternâ constat nos didicisse die.
Exoritur nova lux: hujus nova fama diei
Te quoq; Sarmatiæ narrat adire Deos.
Hoc plus est; quod se mallet Rex ipse locutum,
Id totum fidei credere, IANE, Tuæ.
Verba fac ad rerum Dominos, quibus annuat æther:
Rexq; Gothus dicat Te referente: BENE EST.*

Lectori.

TV quâ parte potes, reduci gratabère, Lector.
Carminibus potui: pauca repente dedi.
*Quid cessas? nôrit, quàm sit Tibi prompta voluntas:
Qui de me, de Te plus meruisse potest.*

Ad Sereniss. ac Potentiss. Sveciæ Reginam.

Mente sedet firmâ, Clarias non sumere lymfas,
Pegasis aut quales ungula fudit aquas.

Pyre-

*Pyrenen Scythicis hodie sub fascibus undam,
In numero Varum quos iuvat esse, bib int.
Pono tyram fessus. Si Tu dea jusseris Arcti,
Accipiam vires in meti a iussa novas.*


Ad Lectorem.


B*Is captam Philuran, his, lector amice, receptam
Scripsimus: est olei rustica Musa mei,
Nec laudes tacui genitali Druside dignas,
Aut Samii numeros, Euthaliq; dapes.
Hinc colui uxores (utramq; Charillida dixi)
Et de me meritum Nicodamanta meum.
Huic ego pangebam, quæ sunt postrema meorum:
Sit quamvis summus Pacis Oliva labor.
Penè mihi distincta libris Epigrammata quinis
Exciderant: sextum sparsa subinde dabunt.
Unicus Euthalii convivium lauta subibat.
Ordinis hic cæpti septimus esse potest.
Quicquid ad uxores, constabit quinq; libellis:
Sic quater explebit tres Epigramma libros.
Addam his quatuor; certum est superaddere plures,
In nostrum Danaes si pluet imbre sinum:
Si requies fuerit, qualem sacra carmina poscunt:
Quali plus decoris nostra relecta ferent:
Quali omnem excuerint temere mihi condita noxam.
Ad Patriæ redeo munia, resq; meas.*


In quemdam.


E*t quidam cantor, qui nomina nostra laceffit,
Inq; suis ponit torta retorta metris.
Verte illi nomen: suis est à podice totum.
Belga est: hoc ipsi patria lingua dabit.*


FINIS.















Biblioteka Jagiellońska

sldr0019523

